

## Personvernerklæring vidaregåande skule

Denne personvernerklæringa skildrar korleis vi handsamar personopplysningar i vidaregåande opplæring.

### Dine rettigheter etter personopplysningslova og personvernforordninga (GDPR)

Når vi handsamar personopplysningar om deg har du ei rekkje lovfesta rettigheter. Det kan vera vanskeleg å ha oversikt over kva rettigheter du har. Vi har nedanfor valt å gi ei oversikt og syne til Datatilsynets forklaringar på nokre av dei forskjellige rettighetene.

#### Rett til informasjon

Alle har rett til informasjon om korleis vi behandlar personopplysningar, kva dei nyttast til og kven som er ansvarleg.

Les meir om retten til informasjon [her](#).

#### Rett til innsyn

Du kan be om å få opplyst kva personopplysningar fylkeskommunen har registrert om deg, kva dei skal nyttast til, og kvar dei er innhenta frå. Dette gjeld både elektroniske og manuelle register. Du skal få svar innan 30 dagar.

Les meir om retten til innsyn [her](#).

#### Rett til retting

Dersom du meiner vi behandlar opplysningar om deg som er feil, kan du krevje at desse rettast eller supplerast av tilleggsopplysningar. Det er viktig at du forklarar kvifor du meiner opplysningane er feil eller mangelfulle.

Les meir om retten til retting [her](#).

#### Rett til sletting

I einiskilde tilfelle kan du be oss slette opplysningar om deg sjølv. Dette gjeld til dømes dersom du har samtykka til at vi lagrar informasjon om deg, og du vil trekke samtykket tilbake.

Les meir om retten til sletting hjå [her](#).

#### Rett til avgrensing

I nokre tilfelle kan du be oss avgrense handsaminga av opplysningar om deg. Dette gjeld til dømes når informasjonen ikkje lenger er naudsynt for føremålet den vart samla inn for.

Les meir om retten til avgrensing [her](#).

Du kan lese meir om andre rettigheter du har som registrert [her](#).

## **Kva personopplysningar vert handsama?**

Vi handsamar opplysningar om namn, fødselsnummer, kjønn, nasjonalitet, morsmål, bilde, kontaktinformasjon, føresette/pårørande/kontaktpersonar, utdanningshistorikk, klasse, utdanningsprogram og fag, oppgavesvar og vurderingar, test- og prøveresultat, karakterar, fråvær og merknader og annan informasjon som er naudsynt for gjennomføring av opplæringa.

Vi handsamar også personopplysningar av særleg kategori. Det kan til dømes vera opplysningar i legeerklæringar, utgreiingar og vurderingar gjort av pedagogisk-psykologisk teneste (PPT), opplysningar frå barnevernet, spesialisthelsetenesta eller oppfølgingstenesta (OT), når dette er naudsynt.

Lærlingar, lærekandidatar, praksisbrevkandidatar og kandidatar i ordninga fagbrev på jobb:

For desse gruppene behandlar fylkeskommunen opplysningar:

- Lærekontraktar
- Attestar
- Dokumentasjon om hevingar og brot på lærekontraktar
- Fagbrev og fagprøvar
- Tilknyting til verksemder

For føresette/pårørande/kontaktpersonar vert følgjande opplysningar handsama: Namn, kontaktopplysningar, fødselsnummer, relasjon til elevar og behov for tolk.

## **Korleis får vi opplysningar?**

Opplysningar vert henta frå grunn- og vidaregåande skule, folkeregisteret, søkjarar og dei som er under opplæring, tilsette ved skulen, læreverksemder, sensorar og andre som er involvert i gjennomføring og vurdering av opplæringa di. Etter ditt samtykke vil dette kunne vera PPT, OT, lege og NAV.

## **Kven deler vi personopplysningar med?**

Fylkeskommunen deler ikkje dine personopplysningar med andre for kommersiell bruk. Klasselister, med opplysningar om namn og klasse, er offentleg informasjon og vil kunne bli utlevert på førespurnad. Føresetnaden er at teiepliktig informasjon ikkje vert utlevert. Klasselister vert ikkje publisert på Internett.

Føresette til elevar under 18 år vert varsla om:

- Elevens fråvær
- Fare for at det ikkje er grunnlag for å få vurdering i eit fag
- Orden/oppførsel
- Fare for nedsett karakter i orden/oppførsel

Føresette vert informert om andre rettigheter etter bl.a. opplæringslova, barnelova og barnekonvensjonen, som ikkje er underlagt teieplikt. For elevar over 18 år kan det utleverast til føresette etter ditt samtykke.

Læreverksemder kan etter samtykke frå læring/praksisbrevkandidat/lærekandidat/kandidatar i ordninga fagbrev på jobb få utlevert teiepliktig informasjon om den som er under opplæring.

Personopplysningar kan utleverast til andre offentlege myndigheiter som har ein lovleg grunn for innhenting. Dette er bl.a. Lånekassen, Utdanningsdirektoratet, Nasjonal vitnemålsdatabase og Statistisk sentralbyrå.

Skulen er i visse høve pliktig å utlevere personopplysningar til barneverntenesta, jf. opplæringslova § 15-3 andre ledd og barnevernlova § 6-4 andre ledd. Det kan også vera aktuelt for skulen å dele personopplysningar med sosialtenesta (NAV).

### **Kor lenge oppbevarer fylkeskommunen opplysningane?**

Kor lenge vi har lov til å lagre opplysningar om deg er avhengig av kva som er føremålet med at opplysningane vart registrert, og om dei er arkivpliktige etter arkivlova. Personopplysningane som vert lagra skal vera adekvate, relevante og avgrensa til det som er naudsynt for føremålet dei vert handsama for («dataminimering»), jf. personvernforordninga art. 5 (1) bokstav c. Dersom opplysningane har verdi som dokumentasjon eller er gjenstand for sakshandsaming er desse arkivpliktige og vert lagra på ubestemt tid i fylkeskommunens arkiv.

### **Elevar og lærlingar**

For at fylkeskommunen skal kunne innfri sine forpliktingar og rolle i vidaregåande opplæring brukar vi opplysningar for å:

- Handsame søknader om skule- og læreplass og privatisteksamen
- Gjennomføre opplæringsløp, eksamen og fagprøvar
- Følgje opp ungdom i aldersgruppa 16-21 år som ikkje har opplæringstilbod eller jobb
- Samarbeide med heimen
- Utarbeide dokumentasjon for elevar, læringar og vaksne
- Godkjenne faglege leiarar i læreverksemdar
- Oppnemne prøvenemndsmedlemar
- Ha grunnlag for planlegging og oppsett av opplæringstilbod
- Sikre at vilkåra for å tilby opplæring og andre tiltak er innfridd
- Gjennomføre lovpålagde oppgåver som budsjett, refusjonsordningar, rekneskap og rapportering til overordna myndigheiter

### **Rettsleg grunnlag**

Lov om grunnskulen og den vidaregåande opplæringa (opplæringslova) med forskrifter er det viktigaste behandlingsgrunnlaget for behandling av personopplysningar. I nokre tilfelle vil det vera naudsynt for skulen å hente inn samtykke for å handsame dine personopplysningar.

### **Behandlingsansvar**

Vestland fylkeskommune er behandlingsansvarleg for all handsaming av personopplysningar der vi sjølv bestemmer føremålet med handsaminga av opplysningane og dei verkemidla vi nyttar til dette. Det vil seie at Vestland fylkeskommune er ansvarleg for informasjonstryggleiken, og skal sikre at alle data vert handsama på ein trygg måte.

### **Har du spørsmål?**

Dersom du har spørsmål om korleis fylkeskommunen handsamar personopplysningane dine, kan du [sende e-post](#) til Knut Schjerven Roald, personvernombod i Vestland fylkeskommune.

### **Klage på behandlinga**

Dersom du er misnøgd med vårt svar eller meiner at vi behandlar opplysningane dine i strid med personvernregelverket, kan du klage til Datatilsynet. [Her finn du informasjon om klageprosedyren.](#)